

平定兩金川方畧

二五

平
定
縣
志
卷
之
一

卷
之
一

平定兩金川方畧卷之六十五

七月癸巳。

上諭軍機大臣曰。現在賊番佔據布朗郭宗底本達等寨。其帛葛爾角克科多各處。賊尙未退而大板昭亦有賊佔。恐賊衆由別斯滿山口潛出滋擾鄂克什資哩。於巴朗拉一帶糧臺後路所關不小。昨已諭令阿桂富勒渾等酌派勇幹將領帶兵駐守。

鄂克什及資哩兩寨以資控扼其巴朗拉一帶並

須多派兵弁往來嚴密防查方爲周妥伊等自必

遵照諭旨上緊籌辦至打箭爐一路與章谷相近

前據番人供詞有索諾木帶兵一枝往巴旺布拉

克底之語恐其抄截當噶爾拉後路已諭令阿桂

設法嚴防而阿桂現將附近該處降番盡力洗戮

以防其內應所辦甚好朕心爲之稍慰惟打箭爐

爲控馭諸番要地。據索琳自西藏回京奏稱城內
僅駐副將一員。尙有往來查辦之事。所餘兵亦無
多。甚有關係。萬一賊衆突至彼處滋擾。成何事體。

現在川省在營官兵有限。且大率怯懦無用。難以
再撥。所有續調之貴州湖廣雲南陝甘兵。共九千
名。已當陸續起身赴川。著富勒渾文綬通盤籌畫。
於續調兵內。酌留一千兵駐打箭爐。極少亦須五

百名。並選勇練將領一員。帶兵駐守。方爲有益。阿桂此時若已至美諾。富勒渾等卽將此事會同商酌。如尙未到。卽與海蘭察等斟酌而行。一面辦理。一面奏聞。又查四川共有總兵四員。俱在軍營。於職任難以兼顧。其本鎮事務。現係何員署理。營伍諸務。是否不致貽悞廢弛。各鎮標實存額兵若干。其寫遠鎮營邊隘。是否足敷防禦。並著查明具奏。

臣等謹案賊番佔據底木達希朗郭宗總督
等飛章入告時。美諾鄂克什等處。未聞有警
我

皇上慮周萬里。惟恐賊情叵測。或於巴朗拉一帶。潛
來滋擾。卽

勅令富勒渾等。預派將領控扼。該督等得所遵循。多
兵防守。遏其勢於未形之先。嗣美諾鄂克什

被陷後。賊見日隆巴朗拉。防守嚴密。不敢再肆鴟張。官兵因得駐扎日隆。另籌進取。因敢爲功。機由此轉實由。

睿謨密運。握

勝算於先幾也。

同日海蘭察博清額劉秉恬奏言。劉秉恬先

於本月十六日至美諾。聞賊番有由別斯滿一

路往鄂克什去者。十六日有賊三人來鄂克什
偷越官兵卡座。經鄂克什人殺死。割取首級呈
獻。此必賊番欲截美諾明郭宗後路。查從前總
督富勒渾在鄂克什巴朗拉等處。未經多駐兵

丁。經_臣海蘭察等抽派兵二千前往。今_臣劉秉

恬招募兵五百名。除富勒渾於巴朗拉留兵二
百名外。其三百兵丁來至鄂克什。_臣等議派副

都統普爾普帶往鄂克什一路。查看緊要隘口。

令新舊兵丁。一同駐守。將貴州兵撤出帶至美

諾。以備接應副將軍阿桂一路。旋據額森特和

隆武。五代山等報稱帶兵往攻鳩寨。賊番一見放

鎗抵禦。我兵奮勇前進。賊皆敗竄渡河而去。奪

獲大小礮五十餘座。俱行焚燬。正在攻取下面

山寨。據守橋兵丁報稱山上忽有賊百餘衝來。

將橋佔去等語。臣等查現兵所帶軍器甚少。又

人心惶惑。此等兵丁。遣往無用。今普爾普已帶

貴州兵三百名到來。臣海蘭察等卽挑選二百

派普爾普帶領侍衛庫爾特。剿殺山梁賊番。奪

取橋座。探聽副將軍阿桂等信息。至。臣劉秉恬。

自美諾起身赴鄂克什。并查附近站上所有軍

械鳥鎗。迅速賫送。奏入。

上諭軍機大臣曰。美諾明郭宗等處地方緊要。海蘭察等帶兵駐扎。清釐一切地方。勦殺賊衆。辦理接續臺站事務。皆合機宜。前經降旨。令海蘭察暫駐美諾辦事。俟阿桂回美諾後。海蘭察再帶兵攻勦。今閱伊等奏摺。南路一帶之賊。額森特等已經痛殲前進。而留兵看守之橋。仍被賊佔。雖因留兵數少。不能敵禦。以致被奪。但額森特等去時。業將賊

衆俱行剿殺。并燒燬寨落。則此項賊番。又從何來。或於剿殺時躲避。俟伊等過後。復出侵擾乎。抑或

他處賊番來奪此橋乎。今普爾普自鄂克什帶到

貴州兵三百名。卽派其前往奪橋殺賊。普爾普人

誠實。漢仗亦好。海蘭察等酌令領兵接應。所辦甚

是。至鄂克什土司與兩金川素有仇隙。雖自當固

守地方。但力弱不能禦賊。今防守鄂克什之事。僅

劉秉恬一人前往。恐不能濟事。著海蘭察於滿洲
領隊大臣侍衛等。擇其曾經歷練之人。派令前往。
方爲有益。

同日富勒渾奏言。查軍米一項。從前陸續出口。
長運滾運。業已在途。今因軍營失事。觀望不前。

臣沿站曉諭。並出示背夫。運米一背。至明郭宗
交收。賞銀一兩。又派專員逐站趨催。復派總理

大員督率。現今商夫日漸加增。沿途趕運。計三四日內。出臥龍關之米。并美諾明郭宗現存米。共有四千餘石。陸續至營。足敷月餘之食。又據文綬札稱。桃關出口米。又有三千餘石。自可源源接濟。至火藥鉛丸。鑄礮銅鐵各項。正須加倍增運備用。除飛飭軍需局。并兩標中軍。趕緊辦運外。其沿途各站。現在積存者。派員逐站挨查。

嚴飭儘數趕運。不使稍有停留。今數日來。相繼前進。足敷現在防禦進攻之需。至營內所需鍋帳軍械等項。亦飭趕緊製辦。以備調用。再查梭磨丹壩一路。與金川相通之處亦多。而布朗郭宗底木達。已被賊踞。難保無潛出滋擾之事。五福現在彼處駐守。臣已札其小心防範。並飭梭磨卓克采從噶克各土司。多派頭人番衆。在各

要隘處所設卡堵截查拏。又科多一帶文報阻

滯。臣飛飭軍需局將打箭爐至章谷各站添設

馬匹一應文報悉由南路馳遞。茲據局員稟稱

先後辦馬二百五十匹兼程赴爐以備南路添

站。臣因此路亦關緊要就近飭委遊擊知府各

員飛赴打箭爐辦理並飭明正土司於各要

隘嚴加防範。臣後路糧運軍火現亦辦理稍

有頭緒拜摺後卽起身仍赴美諾督辦一切奏

入。

上諭曰。所辦俱妥。已授汝爲四川總督。更宜勉力。

同日。

上諭軍機大臣曰。此時最要之事。惟在阿桂卽從軍營回至美諾。籌辦剿賊事宜。第恐阿桂未肯退兵。然軍營大局。當務其切要者。阿桂此時駐守當噶

爾拉亦屬無益。且又須防守後路。徒使朕多一番

懸注。自六月二十三日以來。屢次諭令阿桂回兵

美諾。阿桂接奉前旨。諒卽遵照撤回。或留明亮仍

駐當噶爾拉。或令駐守僧格宗。自必妥協籌辦。今

賊番現佔布朗郭宗等處。實爲美諾肘腋之患。不

可不急速剿除。上緊收復。其河北科多。新橋等處

之賊阿桂赴布朗郭宗時。卽可令海蘭察統兵前

往盡力剿殺。務將醜類盡殲。肅清小金川地面。以便屯駐官軍。另籌進剿。至美諾官寨。固屬緊要。若阿桂到後。卽統兵剿復。布朗郭宗。聲勢甚大。而海蘭察又帶兵在河北剿賊。軍威更整。賊自不敢輕覷美諾。但須派駐精兵。留博清額經理一切。卽可無虞。至鄂克什官寨。尤爲後路要隘。昨已詳晰傳諭。令派勇幹將領。選撥重兵。駐守其地。並防守資

哩隘口。伊等如能經理得當。則巴朗拉一帶軍臺糧路。便得安固。今據稱賊已由別斯滿往鄂克什。果如朕前旨所料。尤當急爲防範。其看守鄂克什寨之人。將金川潛往之賊。立時殺死。亦足以寒賊膽。而挫其氣。所有殺賊之人。卽當查明重賞。以示獎勵。但帶兵之員。必須速往接應。方無後患。至軍營糧運。最關緊要。富勒渾調集人夫。源源接濟。甚

爲得力。此時美諾無甚應辦之事。富勒渾不必急於前往。若富勒渾已回美諾。而阿桂亦可剋日回。兵富勒渾卽留駐美諾。同博清額辦理諸務。其鄂克什一路。現有劉秉恬前往。所有巴朗拉一帶。督催糧運諸事。必須實力妥辦。至海蘭察等稱營中之兵。無器械者甚多。劉秉恬現往鄂克什一路。糧臺查有剩存軍器。卽送美諾備用。此等固可應急。

但恐所得有限。不能敷用。富勒澤已飛飭軍需局。將鳥鎗腰刀鉛藥等項。急速製備。卽當再檄該局。迅速送往。以供軍營利用。

乙未。豐昇額奏言。據知府盛英稟稱。綽斯甲布土司工噶諾爾布告稱。聞索諾木潛使人誘約。三雜谷土司。令於智固山一路。截斷宜喜糧臺。隨行知五福官達色季天佑。實力嚴防。並獎勸。

各土司令其照前出力并嚴守智固山地方。仍
札諭優獎工噶諾爾布。示以信任之意。令其派
人探聽。隨時報聞。又李天佑據鄂克什土司色
達克拉報稱伊所屬人衆俱隨溫將軍大營。所
餘惟有婦女老幼。查鄂克什爲西路軍營後路
要地。又卽飛咨富勒渾妥爲查辦。奏入。

上諭軍機大臣曰。豐昇額此次調度。均屬合宜。不意

其竟能如此。爲之稍慰。逆酋潛謀斷路。實屬可恨。計其爲時已久。尙無動靜。自可以保無虞。然究當留心防範。至鄂克什一路。關係緊要。已早諭富勒渾等。酌派將領帶兵往駐。今豐昇額所辦。與朕意適合。且計其移咨日期。在朕降旨之前。富勒渾接到卽辦。自更妥速。目今急務。惟盼阿桂速至。美諾。整兵勦賊。恐阿桂以退兵爲嫌。不肯輕撤。然朕自

六月二十三日至今。已屢次詳晰傳諭。阿桂自應遵旨回兵美諾。迅卽剿復布朗郭宗。盡殲羣賊。廓清小金川。現在之事。無有要於此者。旬餘以來。盼望阿桂信息。至廢寢食。阿桂當善體朕意。將此一并傳諭知之。

同日。海蘭察博清額奏言。本月十九日。臣等派領隊大臣普爾普等帶兵二百名。接應額森特

和隆武。五代等往通副將雷阿桂後路。是日傍晚。普爾普回來告稱。額森特等所留守橋兵丁。被賊衝散。橋座已爲賊據。我兵前往纔過一半。不意峯後埋伏賊番。從峯上放鉛滾石。已將我兵截斷。難以前進等語。臣等正在計議。二十日夜。又據報賊從美諾南山向下壓攻。所有山梁卡座。被賊奪佔。臣等卽欲整兵往救。而賊已下

山其看守美都喇嘛寺等處兵丁驚慌逃散賊
番奪取此寺直壓美諾官寨而薩穆果穆橋又
有賊來施放鎗礮仰攻美諾其勢斷不能守。臣

等帶領未動官兵一面打仗一面撤至明郭宗

但美諾一失則明郭宗亦不可守。臣等因收兵

至鄂克什與領隊大臣富興烏什哈達普爾普
總兵海祿等商議鄂克什四面皆通賊路而前

後山梁。又復寬濶。兵少難於駐守。不如據守要隘。方爲妥善。隨詢鄂克什土司色達克拉。據稱

現在鄂克什實難存住。惟達木巴宗地方險要。

若將資哩及斯底葉安前後山梁佔據。賊番不

能越過。再在巴朗拉各路酌量駐兵。即可固守

等語。查達木巴宗先已留兵六百名。今又派出

新到貴州兵一千名。並選健壯兵四百名。計兵

二千令副都統烏什哈達等帶同色達克拉之
弟雅滿塔爾前往駐守。臣等暫駐日隆再圖進
取。

同日劉秉恬奏言。臣於六月十六日自鄂克什

前赴美諾查看賊勢甚屬猖獗。叅贊海蘭察三

次發兵接應南路副將軍阿桂後路亦均被賊

截斷在內。信息全無。臣隨於十八日仍回鄂克

什據土司色達克拉稟稱鄂克什資哩寨南北

兩山最關緊要前歲小金川圍攻鄂克什時卽

由北山前來抄截資哩。昨聞北山已有小金川

賊番三人探信當經殺死等語。臣查鄂克什後

路雖經派有兵弁爲數甚少難資防禦。因將臣

自登春帶出之兵百餘名及陸續收集之兵數

十名帶赴該處安設。正在派撥間。二十一日據

土司色達克拉之子報稱美諾明郭宗俱失。叅贊海蘭察擬撤兵至鄂克什地方。旋據海蘭察

差弁告知鄂克什地方亦難據守。大兵應撤駐

日隆等語。臣查日隆距巴朗拉約五六十里而

巴朗拉爲緊要門戶。山神溝亦通賊境。巴朗拉

現駐新舊兵四百五十名。而山神溝止有新兵

七十名。實不足以資堵禦。臣查大兵退守日隆

則資哩南北山梁已無庸防駐。隨將前項擬派
南北兩山兵丁盡數添撥山神溝嚴加防範。現
在海蘭察已駐兵日隆。其明郭宗鄂克什等處
存糧俱已燒燬。此時糧運最爲緊要。臣卽往返

向陽。坏臥龍關一帶與署督臣富勒渾相機籌

辦。實力查催。再查大兵業已退保日隆。看來此
路情形。只可就現有官兵竭力防範。目下斷難

進取。至副將軍阿桂一路聲息。至今未通。臣欲
派兵接應。則川省已無可調之兵。查奉

旨。續調黔兵一千。不日可到。應卽令由打箭爐直抵

僧格宗。接應阿桂後路。臣現在飛飭領兵將備

遵照。並咨明富勒渾預備應付。均奏入。

上諭軍機大臣曰。美諾明郭宗已俱失守。海蘭察現
退至日隆。駐兵防守。賊衆竟敢如此猖獗。殊堪痛

恨。總由營中未派滿洲兵。無可倚恃。致屢爲怯懦。

不堪之緣。營所悞。實切憤懣。此時急務。惟接濟阿

桂爲要。美諾之路。旣斷。阿桂難從原路退出。自應

速由達烏一帶。回至章谷。已有旨。令富勒渾博清

額普爾普。成德四人。帶兵往迎阿桂。並飛諭圖思

德。將續調之黔兵一千。星速起程。遄進。徑赴打箭

爐一帶接應。阿桂奉到此旨。卽速整兵。由章谷一

平定回疆方略卷之二十三
二七

路退出。毋稍遲疑。至僧格宗爲當噶爾拉至章谷要路。阿桂前奏已派兵嚴守。昨額森特五岱復自美諾。勦洗河南一帶賊寨。與阿桂通路。想已至僧格宗守住。或當酌從深嘉卜等處。經由巴旺布拉克底一路而出。阿桂自能妥酌辦理。此時總以阿桂整軍而出爲要。他事皆可緩商也。至豐昇額等一路。前已屢降諭旨。令其撤兵赴大板。昭勦殺賊。

衆并斷賊番後路。今美諾等處既不能守。賊勢方

熾。豐昇額等不宜復往大板昭一路。剿賊計伊等

接奉前旨。自己起程。若仍由正地一帶原路退回。

恐太迂遠。自應由丹壩三雜谷一路。回至巴朗拉

等處暫住。但須於撤兵時辦理妥密。毋致綠營輕

動。并諭各土司等。此時雖暫撤兵。俟新派之滿洲

勁旅到齊。卽分路另籌進剿。仍須至該處進兵。該

士司等毋得稍有踈懈。如此方爲妥協。阿桂等卽將何日退兵。迅速加緊覆奏。以慰注念。

同日。梁國治奏言。臣欽奉

上諭。現在分路進攻。需添兵力。臣遵卽札商署督臣

陳輝祖。於入川較近之澧州。常德。九溪。永定。岳

州。辰州。衡州。鎮筸等營。并臣標提標。長沙各營

兵內。挑撥精壯。烏鎗等兵。共二千名。分作四起。

所需軍裝火藥礮位船隻供應各事宜。卽日備

辦齊全。臣一面行知各營督催起程。臣卽於二

十四日前赴常德澧州一帶點驗官兵督率前

進。徑赴副將軍阿桂軍營聽候調遣。奏入報

聞。

丁酉。

上諭軍機大臣曰。現在進剿金川。已派京城滿洲兵

及吉林黑龍江兵前往。其西安駐防亦有滿洲兵
丁。此項兵內挑選一千名。並選派領隊協領等官。
所有應得之項及軍器等物。妥爲辦給。派副都統
舒麟帶領迅赴軍營交與色布騰巴爾珠爾富德
調遣應用。

上又諭軍機大臣曰。昨木果木軍營失事。皆由綠旗
兵潰逃所致。今美諾之不能守。亦係綠營兵先潰。

其情甚爲可惡。悉行處斬。亦不爲過。但思此等潰
兵。通計不下數千。若皆駢首就戮。雖其罪由自取。
朕心實有不忍。况綠營兵。惟怯輕退。總由營中無
滿洲兵。綠營無可倚恃。遂爾見賊卽潰。此實溫福
等從前倡議。不調滿洲兵。以致自悞。朕亦未能計
及於此。悔已無及。若將伊等全辦。轉似事後諉過
於無能懦卒。更覺無謂。莫若概免其死。著富勒渾

文綬。曉諭此項潰兵。以爾等臨事潰竄。本當立時正法。以肅軍紀。今奉旨念綠旗之潰。由於營中無滿洲兵。可爲觀法。遂致倉皇搖動。其罪雖無可宥。但不忍令此數千人。同受誅戮。特加恩免死。將營中所汰潰兵。遣發各省安插。以示格外矜全。如此通諭。俾綠營兵共知感愧。激勸其已到成都之兵。現令文綬至四川省城辦事。卽著其遵旨傳諭其

軍營衆兵。卽著富勒渾傳諭。並著文綬查明此項
潰兵。如係四川本省。及雲貴湖廣者。卽發遣甘肅
兩廣。如係陝甘者。卽發遣雲貴湖廣。俱分起陸續
解往。並須避京兵所經棧道。及各省續調兵來之
路。勿令相見。至此等潰兵。雖云罰不及衆。其爲首
潰竄者。亦不可不查明重辦。數人申軍法而昭炯
戒。著於發遣各兵時。錄朕此旨。轉寄所發之各督

撫於此等潰兵解到時。以次詰訊軍營首先潰散。實係何人。如卽在發到該省兵內。將該犯卽留省城。訊實奏聞正法。其在別省者。卽開明姓名管籍。錄敘衆供。移咨所發省分督撫。訊實奏聞正法。其餘應發之人。皆分別各州縣安插。勿使聚集一處。飭令各屬嚴行收管。如有脫逃者。拏獲時照新疆改遣例。卽行正法。再川省連年辦理軍需。運送糧

械派撥人夫。不能不用民力。屢降旨加恩蠲緩。以
獎善良。但其中或有司辦理不善。或胥役藉端滋
擾。皆恐不免。文綬自當留心整飭。有犯必實力嚴
懲。亦有奸民遇事生風。如酆都縣民蔣正中吳捷
元輩之惑衆阻撓者。自不可不嚴加懲儆。但平時
亦當撫馭寧貼。勿使絲毫滋事。文綬到川年餘。於
該省土俗民情。亦已深悉。總宜不動聲色。妥協經

理相安無事。以副委任。富勒渾前此帶領黔兵。徑
赴明郭宗及安設章谷一帶軍臺。通阿桂後路。所
辦俱合機宜。亦見其能實心任事。甚屬可嘉。富勒
渾身係滿洲。今又用爲四川總督。自當益加奮勉。
昨諭令同博清額普爾普成德帶兵往迎阿桂。自
當迅速妥辦。由章谷一帶探聽阿桂軍營所在。卽
行迎往。務令阿桂及早整兵。退回章谷等處。方爲

萬妥。

上又諭軍機大臣曰。四川提督員缺。已有旨令王進泰調補。綠營兵丁怯懦不堪。而川省尤甚。則將領等平時之不能約束訓練。亦難辭咎。所謂兵不知將。將不知兵。安望其能得實用乎。王進泰久膺專闡閱歷有素。自能措置合宜。今授四川提督。前往軍營。凡各省調到綠營。皆可經管。而川省官兵尤

其專轄著傳諭王進泰先就川兵實力整頓激其
愧恥之心作其勇敢之氣使人思自効營伍改觀
俾諸軍有所觀感奮發方足以副委任

管戊戌阿桂明亮奏言兩金川賊番勾結侵擾經

泰臣等分撥漢土官兵過河而南勦洗各寨現在

兵力既分所有山梁土官兵實已無可抽用至

萬臣現存火藥此時更應擗節臣等飭令將弁須見

賊番聚集礮卡之內。或出來行走。再爲施放。此
外不可任意輕費。其多餘礮位。於二十日酌令
運至大營。轟擊色木則等處之賊。臣等復思賊
番旣見礮位運下。必料我兵將撤往他處。或乘
勢潛來侵擾。當卽傳知各將。弁小心防範。預備
剿殺。是夜亥刻。果有賊番先至山梁中間三寶
營盤。官兵早已預備。放鎗擊打。賊番不能前進。

分爲四股。前來侵擾陝兵營盤。維時叅將劉輝祖。卽督兵放鎗拋石。而賊番狡惡異常。帶有板片鋪墊過壕。官兵奮力截殺。直至二十一日丑刻。賊始踉蹌奔竄。官兵趕殺。共計殲賊八十餘人。此次叅將劉輝祖。以一百五十人。竟能督率奮擊。殲戮多人。且額受石傷。實爲勇往出力。臣當卽賞給花翎。其受傷官兵。亦分賞銀兩。以示

鼓勵查賊番窺伺當噶爾拉大營勢頗猖獗現

在各處不時騷擾。臣等惟有督勵官兵竭力堵

禦如遇賊人潛來多行殲戮稍紓憤悶奏人報

同日阿桂明亮又奏言查各軍營所謂之兵歷

時已久而木果木功噶爾拉官兵傷損既多聞

所餘不過數千又新經挫折一時難望其振奮

至當噶爾拉後路綿長。賊番時刻覬覦。現雖撥
兵防守。尙覺單弱。本路已無進攻之力。他處更
無兵可分。臣等前于本月初一日。籲請添兵五
千名。爲乘虛掃穴之用。此時諒蒙

恩鑒。但目下情形。又與從前迥異。自當通盤計議。速
籌分頭再進之兵。以定各路合攻之局。查貴州
陝甘三省已無可調之兵。惟湖南湖北額兵共

有三萬六千。若於_臣等前日請調之二千外。再

調三千。共成五千。尙可辦理。其山西本與陝省

毗連。且該省多山。若於近山居住之兵。擇其精

壯。驍健者。挑撥五千。亦尙可用。連_臣等前摺所

請。昭通等處。酌撥二千。共調綠營兵一萬二千

名。如蒙

俞允。仰懇

勅下各督撫。卽行挑備。分起迅速赴川。再此次應用
之兵。若僅於近省綠營調取。不惟不能多得。且
驍勇亦不似滿兵。仰懇

皇上恩准挑派京中健銳營火器營滿兵三千。吉林
滿兵四千。索倫兵三千。發來以備進剿。至各項
兵丁。陸續抵川。尙需時日。其如何分路進剿之
處。恭候

聖明指示。再知會豐昇額等。將分撥各兵事宜。悉心
詳議奏。

聞。以期迅速。再進。至木果木。功噶爾拉官兵。既經撤
出。而豐昇額一路。現又分撥官兵。護糧防後。亦
不能竭力進攻。是以所有賊番力量。已全聚於
當噶爾拉一路。此時別無官兵。可調。而豐昇額
處。亦未必能派兵前來。接應此路。但當噶爾拉

一路軍糧火藥存貯尚爲充裕。臣等惟有竭此

血誠悉力籌辦。卽賊人狡獪百出。各處侵擾。臣

等鼓勵衆心。亦尙能堅守兩三月。如有臺站文

報阻隔數日之處。伏祈

皇上。弗廕

聖懷。奏入。

上諭曰。自以由打箭爐回軍爲要。已令富德飛速帶

兵接濟。兩路內外夾攻。以期安妥。回至內地。再籌進剿。

上又諭軍機大臣曰。阿桂奏當噶爾拉軍營防剿賊匪情形。所辦俱合機宜。朕心稍慰。賊匪敢於如此猖獗。阿桂現在鼓勵衆心。尙能堅守兩三月。其志甚屬可嘉。但美諾已不能守。海蘭察等俱撤兵退。至日隆。阿桂卽在當噶爾拉駐守。亦難急圖攻剿。

而小金川之地。又難卽時克復。且賊勢方熾。我力
稍單。阿桂自應速由章谷一路。整兵而出。爲要是。
以前日一聞海蘭察退回日隆之信。卽傳諭阿桂
迅速由章谷退兵。且俟新派京兵。及續調陝甘雲
南。湖廣各省綠營兵到齊。另籌分路進剿。並諭富
勒渾。博清。額普爾普。成德。帶兵往迎阿桂。今復授
富德爲叅贊大臣。諭令先行馳驛。兼程赴川。如遇

新派之西安駐防兵二千及自請赴營之成都駐
防兵五百並貴州續調之一千。湖南已經起程之
二千兵有可帶往者。卽速帶領前赴章谷迎接阿
桂。並令色布騰巴爾珠爾亦按程趕赴成都。俟有
陸續兵到。卽行帶領。由打箭爐前往接應。但看阿
桂之意不肯輕退者。必因營中兵力不足。在外又
無應援。若急於撤兵。恐綠營軍心易動。而賊人轉

得伺我之隙。在後追躡。所籌亦是。今富勒渾等及
富德。接續到彼。官軍聲勢漸盛。阿桂自當趁伊等
到後。卽將當噶爾拉軍營料理周妥。與富德等內
外夾攻。以次整兵而出。回至內地。方慰懸注。至豐
昇額等一路。朕心亦深厯念。前諭其移兵往剿大
板昭之賊。昨聞美諾退兵一事。復諭令卽帶兵由
丹壩三雜谷一路。回至巴朗拉。若此旨到時。豐昇

額等尙在宜喜。則自彼由革布什咱巴旺布拉克
底之境。至當噶爾拉軍營。較爲徑捷。豐昇額等就
該處現在情形。斟酌萬全行之。再成德一員。前已
有旨補授川北鎮總兵。所有鎮遠鎮總兵員缺。著
阿桂另揀軍營出力之員。奏請補授其扎拉芬已
照所請。補授永州鎮總兵。所遺副將員缺。現據阿
桂奏稱。叅將劉輝祖。勇往出力。卽著陞授長沙協

副將以示獎勵。至所請調兵之摺。於阿桂未經奏到之時。已分別派出。其山西兵路既遙遠。且亦不甚得力。自可毋庸調往。今通計所調兵共一萬七千。軍勢亦可大振。統俟到川後。阿桂等悉心妥議。另籌分路進剿。迅奏膚功。

平定兩金川方畧卷之六十六

七月己亥。

上諭軍機大臣曰。常青曾在軍營帶兵。於軍務尙爲諳習。現在滇省防邊。無甚應辦之事。而新調滇兵二千。卽須起程赴川。著常青馳驛遄行。趕及在途之兵。帶赴打箭爐一路。聽候將軍等派用。

上又諭軍機大臣曰。現在所派京兵。頭起於七月初

七日起程。約計按站行走。極遲亦在八月初一二
可抵西安。此後各起接續前進。且有吉林等兵三
千。隨後繼發。昨降旨所調之西安駐防兵二千。該
將軍等奉到諭旨。自卽料理起程。計本月十三四
日內。頭起卽可遄行。分起續進。算至八月初。祇能
行走十分之七。其時京兵已接踵到陝。並進既有
所不能。又未便令京兵屯住守候。不可不預爲籌

畫著將軍富僧阿八護撫畢沅。公同酌量。或可於

駐防兵起內。每起量爲添搭數十名。俾京兵將到
之先。該處駐防兵已俱全數啓行。不致羈滯。固爲
甚善。倘以棧內路狹。勢難多添人數。則京兵不能
留待。而駐防兵在本地家居。尙不妨稍緩時日。自
應先儘京兵及吉林等兵過竣後。再行接續前進。
庶沿途不致擁擠。應付亦較便易。

臣等謹案兵貴神速。而各路同時調發。遠近
不齊。必須通盤籌畫。次第繼進。當京兵過陝
時。西安駐防兵已陸續過行。既難使京兵暫
留守候。若與陝兵並進。必致擁擠遲滯。我

皇上洞燭情形。

諭令富僧阿等。共同酌量。趣令陝兵添數。趲行俾無
羈滯。又恐棧道窄狹。兵數難增。或先儘京兵

前進其本地之兵尾隨進發。既免稽遲而沿途按隊應付亦無煩擾。蓋卽師行一節亦上

關

宵旰憂勤。宜諸軍入川以後踴躍用命。迅奏大功也。

庚子。

上諭軍機大臣曰。現在軍營之事。惟接濟阿桂最爲緊要。前已諭令富勒渾博清額等帶兵往迎阿桂。

復諭豐昇額等速往阿桂處接應。伊等奉到諭旨。
自卽遵照速行。如到彼時。阿桂業已整兵擊賊而
出。自屬最好。若尙未卽出。自應速籌策應。但兩處
之兵。若同路並進。未免擁擠。且恐賊番聞我應援。
設礮守拒。則攻勦又需時日。必須分兩路而行。方
能迅速。一自章谷至達烏等處進兵。一自章谷經
巴旺。布拉克底。深嘉卜等處進兵。務期迅抵阿桂。

軍營阿桂卽可酌量情形不拘何路兩面夾攻乘
勢衝出方爲萬妥或伊等到章谷時酌看情形除
深嘉卜一路之外或更有便捷之徑卽可取道過
往不必拘泥此旨惟在臨時妥酌行之至豐昇額
等兩路進兵又當分前後兩隊豐昇額等帶兵前
行福康安帶兵續進爲一路博清額成德帶兵前
行富勒渾普爾普帶兵續進爲一路則軍聲旣壯

且各有後援。更爲得力。又前派伊犁額魯特兵一
千。令成果帶往軍營。今復添派索諾木策凌。及策
卜登扎布一併前往。將此傳諭阿桂豐昇額舒常
富勒渾博清額知之。

臣等謹案軍營舉動。必須首尾策應。計出萬
全。矧當醜徒猖獗之時。尤宜熟籌盡善。以壯
聲勢。而利師行。我

皇上屢降

諭旨。令

臣

阿桂由章谷整軍撤出。再籌分路進剿。先

令富德及色布騰巴爾珠爾等統兵由章谷

一路接應。又

諭豐昇額及富勒渾等陸續由深嘉卜等處前往應

援。茲復

諭令兩路接應之兵。分隊續進。俾前茅後勁。聲勢聯

絡仰惟

睿慮精詳。無非厯念南路軍營。冀臣阿桂出險旋師。

從容無阻。爾時疊奉

恩綸。固已感慚交集。而至今再三雜誦。尤不自知其感切涕零也。

上又諭軍機大臣曰。現在添派健銳火器營兵。及吉林黑龍江並西安駐防兵。加以陝甘雲貴湖廣綠

營兵通計一萬七千餘人。厚集兵力。於今冬另籌
進剿。以期迅奏膚功。但兵數旣添。需糧亦增於昔。
日今官兵接續赴川。一到卽需支應。不可不早爲
籌備。川省產米素裕。且連年豐稔。購辦非難。惟遞
運各路軍營。任負旣藉多夫。脚值亦滋繁費。雖已
預撥部庫及各省協濟銀一千萬兩。寬備軍需用
項。均經起解在途。以次抵川。計足供明年春夏之

用卽尙需續撥。亦易爲力。第長途轉運。跋涉稍艱。自伊等奏請招商幫運以來。雖可佐官運之所不及。然間有領價而未經運到之糧。似立法尙未爲盡善。因思乾隆十三年。辦理金川時。范毓蘊、王鏜輩曾有助餉加銜之事。今或可仿其意而酌用之。如晉省殷實之戶頗多。若有情切急公。願赴川省運糧者。聽其各備貲本。前往僱夫自運。俟運到軍

營後。旨爲查收。按數計值。奏明。交部議敘。視其糧

石運價之多少。或給職銜加級。或予班次。就銓。必

多踴躍樂從者。以富民有餘之貲。濟糧運不勞之

費。似爲兩便。著富勒渾文綬。悉心籌酌。如其事屬

可行。卽一面妥議覆奏。一面移咨巴延三。令其不

動聲色。飭屬詢問殷富之家。有願往運糧自効。具

名移咨川省。聽其自辦。不得官爲勉強。亦不得稍

涉張皇。並嚴禁胥役藉端勒索。總期於事有益。而於民無擾。

同日畢沅奏言。臣查陝省自寶雞入棧。至四川

廣元縣之神宣驛。本係一十六站。臣現在勻作

十站。安設五臺。所需擡運軍裝夫役一項。如北

棧內之鳳縣留壩等處。烟戶甚稀。一時雇備原

屬艱難。茲蒙

皇上垂詢。令臣就該處情形。迅速預籌妥辦。查陝境

棧道以內。臣業已定議。改夫用騾。飛飭各屬分

頭雇辦。儘可輪流運送。不悞適行。但恐川省雇

騾較艱。勢難一律接替。臣思騾頭健而耐勞。苟

經理得宜。最能負重致遠。陝省兩年來。運送軍

裝火藥鉛丸銀鞘等項。所雇騾頭。或徑送成都。

或往迴倒換。從未聞有疲乏之虞。現在京兵入

川。不過日行一大站。所帶軍裝物件。亦未必十分沉重。若將此項辦備四千頭。分定起數。在寶雞等候。俟京兵抵棧。每兵一名。給騾一頭。令其馱載軍裝。直達成都。毋庸逐站更換。則自寶雞至四川省城。只須按站預備官兵騎馬。約可節省站夫數萬名。川省既無雇夫之累。沿途更免倒替之繁。似屬最便。惟是南北二棧。經由五丁

雞頭朝天。劍閣等關。山徑陡滑。險折難行。恐兵丁跟役人等。不知愛惜。致健騾仍多損傷。棧內又無可另換之騾。不得不先事籌及。臣現在札

商四川督臣富勒渾。如以長騾爲便。仍須按站

酌備夫騾。如馱騾間有疲乏。其有騾地方仍用騾頭抽換。無騾地方卽用短夫二名抵騾一頭接運。臣一面移會統領京兵大臣。及領兵官員。

務須曉諭兵丁跟役等。沿途小心行走。毋致馳驟倒乏。以期兵行迅速。奏入。

上諭軍機大臣曰。畢沅奏辦京兵馱載預備長行驟四千頭。直送成都。可省站夫數萬名。辦理極爲妥便。至所稱棧道內。恐京兵跟役等。或有不愛惜驟頭。任意馳驟。恐致倒斃之處。所慮亦是。昨已降旨。領兵官員等。嚴飭各兵。毋許騷擾驛站。苦累夫馬。

今復傳旨帶兵大臣等。曉諭京兵及黑龍江兵沿途嚴管跟役。倘有任性損斃騾頭及毆打騾夫之事。帶兵官查出。卽於該處正法示衆。並著傳諭畢沅。嚴飭各站官員。小心照管。如有此等不遵約束。混行滋擾者。該站員立時稟報帶兵之員。查明正法。其入川以後。並著文綬一體嚴飭查辦。毋得稍有姑息容隱。

辛丑

上諭軍機大臣曰。蜀中產米素多。常時商販搬運外省。原所不禁。昨歲周煌面奏。請留川米以備軍需。朕初未允行。嗣因湖廣江浙等省一律豐收。毋庸仰給上游接濟。曾諭令文綬預爲禁約。續經該督將近省需米之地嚴禁外出。其米多價平之處。暫聽流通。分別奏聞辦理。是以軍營糧石購備充餘。

今又添派滿漢兵一萬八千。需米更增於昔。而湖廣江南各省。今歲秋成。均爲豐稔。著傳諭富勒渾文綬。仍照上年所辦。嚴禁川米出境。妥酌辦理。仍將籌辦情形覆奏。

上又諭軍機大臣曰。湖廣與四川境壤相接。若派兵前往。較爲近便。著派荊州駐防兵一千。卽令綽和諾帶領。由打箭爐一路。前赴川省軍營。所有料理

一應起程事宜。著傳諭陳輝祖妥爲備辦。俾官兵
迅速遄行。並知會文綬。於入川後。飭屬一體妥速
辦理。

壬寅。劉秉恬。富勒渾。海蘭察。奏言。查木果木失
文事。其在軍營被害者。文員則有戶部主事趙文
哲。刑部主事王日杏。重慶府知府吳一嵩。崇慶

州知州常紀。新繁縣知縣徐瓚。酆都縣知縣楊

夢槎合州吏目羅載堂等七員。武職則有副都
統巴朗阿爾素訥。

御前侍衛德爾森保前鋒叅領觀音保護軍叅領
德保額爾塞阿哈達花尙阿福祿尼三泰副烏
鎗叅領常興明德保烏爾泰前鋒校富森布護

軍校德福德祿明智驍騎校邁斯翰崇起拜唐
阿雅秉阿成都協領額塞防禦德祿等二十二

員。至在各站官員。則有候補同知鍾邦任潼川

府通判汪時漢州知州徐諗內江縣知縣許椿

大竹縣知縣程蔭桂秀山縣巡檢郭良相營山

縣典史吳鉞納谿縣典史許濟等八員其沿途

打仗陣亡者。有提督馬全牛天畀總兵張大經

副將二達色多隆武趙琮叅將曹永言珠蘭泰

惠世溥遊擊李顯祖韓慶春沈寬胡國英王漁

都司馬世華七十一。劉宏達阿金泰洪文紹邢

天培馬良棟。巴克唐阿高仁。守備五達色羅文

元瑪什泰譚世俊哈文虎史可久左文龍都云

成巫泰查洪楊文舉張玉李品先鄔翼麟等三

十七員。又隨臣劉秉恬辦事撤出時。沿途被害

者。文員則有刑部主事特音布知府王如玉直

隸州知州吳璜原任越雋通判吳景知州彭元

瑋。納谿縣知縣章世珍。候補知縣孫維龍。張世
永。布政司照磨倪鵬。候補縣丞倪霖。秀山縣典
史周國衡等十一員。武職則有遊擊李棟。楊都
司扎魯。此二員尤屬奮勉出力。因在後路照料
兵夫。未能衝出。實爲可惜。此外尙有未出千把
外委各員。容俟詳查續奏。奏入。

上諭內閣曰。前聞溫福在木果木軍營。倉猝遇變。臨

陣捐軀。特加恩賞。給一等伯爵。世襲罔替。嗣據劉秉恬奏。初九日未時。忽有客民二三千。並匠役人等。奔赴登春。詢稱木果木礮局。已被賊番搶劫。大營四門關閉。客民無可依倚。因各散回。初十日賊番悉衆湧至。斷截大營水道。綠營兵紛紛潰散。遂致失事等語。是溫福軍營。民散在前。兵潰在後。實係溫福未能先事預防所致。營中礮火。係三軍之

命。若聞賊擾布。助郭宗之信。早派精兵。嚴守後路。防護礮局。何至爲賊搶劫。而客民匠役數千。亦當收之營內。爲彼護持。卽備人數。以助軍威。亦無不可。斷無堅閉營門。聽其散去之理。旣示賊番以弱。且致搖惑衆心。則溫福之倉皇失算。其死乃由自取。今復據海蘭察。富勒渾等。查奏溫福軍營陣亡文武大小各員。多至數十人。而將弁兵丁之未出。

者。至三千餘人。此皆溫福乖方僨事。以致折將損
兵。使其身尚在。卽當立正典刑。以申軍紀。豈可復
膺五等之封。所有賞給伯爵著銷去。但念其究係
陣亡。仍著交部照例議卹。其應得何世職卽令伊
子承保承襲。至劉秉恬身任總督。令在美諾彈壓。
又令其移駐簇拉角克。往來巡防。並因董天弼懦
弱無能。屢諭劉秉恬隨時體察。倘不實心出力。卽

據實嚴叅治罪。乃劉秉恬于美臥溝要隘。並不及
早調兵駐守。設法嚴防。而董天弼退居美諾。劉秉
恬又並不查叅。及董天弼另立一小營。不在官寨。
同衆兵駐守。賊番因得伺隙竄入。劉秉恬亦於事
後始行奏及。是劉秉恬於其平時措置失宜。漫無
覺察。以致釀成事端。其咎亦無可逭。前降旨將伊
革去總督。仍賞按察司銜。在軍營隨同辦事。尚不

足以抵其罪。劉秉恬著革職留於軍營自備資斧。効力贖罪。如不知感激愧奮。復有貽悞。一經將軍總督等奏聞。卽行正法示衆。至德爾森保。係專駐木果木後山防守之人。乃不能實力防禦。致賊番衝突溫福大營。兵潰失事。德爾森保前隨明瑞軍營。已護重譴。復經棄瑕錄用。仍不知改悔奮勉。誤事若此。其罪與董天弼等。不能因其已死。曲爲原

宥著將伊子孛交刑部治罪以爲負恩失律者戒。所有提督馬全半天昇皆係出力有用之人。副都統巴朗阿爾素訥屢經勇往立功。今皆力戰死事。實堪軫惜。馬全半天昇著交部照豆斌之例議卹。巴朗阿爾素訥著照扎拉豐阿之例議卹。仍著查明伊子交御前大臣帶領引見。候朕另降諭旨。總兵張大經雖未著有勞績。而効命行間。亦殊可憫。

著照高天喜之例。酌減議卹。其餘陣亡武職兵丁。及被害文員。著將海蘭察富勒渾奏到原單。交該部查明。均照陣亡例一體議卹。國家百餘年用兵多矣。從無此事。然溫福軍營潰出之兵。經海蘭察等收集者。尚有一萬數千。是其隨征將士。幾及二萬。兵數不爲不多。何以賊番一至。手足無措。潰敗竟至於此。總因營中無滿洲兵丁爲倚恃。遂使緣

營。懦卒驚潰無存。亦由溫福等倡議不用京兵所
誤。朕之初用溫福。原因其於軍務尙曾經練。當阿
爾泰等屢次因循玩誤。不可不急爲整頓。遂命其
由滇入蜀。代阿爾泰統兵。伊甫至軍營。卽攻克巴
朗拉。收復達木巴宗等處。軍勢大有起色。因卽授
以將軍。伊亦頗知感奮。初不料其昧於馭下。疎於
自防。敗績喪師。輕以身殉。卽起溫福九原而問之。

伊亦無能自解。非朕於事後諉過臣下也。至於征
剿金川。並非朕有意窮兵黷武。念朕平定西域。拓
地二萬餘里。武功亦赫濯矣。朕豈不復知足。矧此
葭爾蠻陬。久授土職。卽盡行剗平其地。較之開闢
西陲。不及十分之一。朕又有何貪冀。而必欲不吝
帑金。不恤士卒。不憚焦勞。決計爲此乎。朕因從前
莎羅奔郎卡侵擾鄰疆。其罪已不可逭。及命將申

討郎卡卽窮蹙乞降。朕特格外包容。宥其一死。仍令備職土司。乃郎卡野性難馴。未及十年。卽與近境土司時相侵奪。屢經督臣等調停完事。朕亦概免深求。不欲復因蠻觸相爭。勞師動衆。卽此次兩逆酋滋事之始。經阿爾泰奏聞。朕仍聽督提等往彼誠諭息爭。不肯輕煩兵力。及至前此夏間。阿爾泰始奏僧格桑不受教約。復攻佔鄂克什官寨。據

其人戶並侵明正土司。而索諾木亦佔踞革布什
咱之地。戕其土司。并稱兩逆酋。狼狽爲奸。鴟張無
忌。非復能以口舌化導。不可不懾以兵威。在逆酋
黨惡梗化。公然抗拒王師。實難再爲遷就。朕方深
悔前此之姑息貽患。若復置之不問。必至衆土司
盡爲蠶食。流毒無窮。此實不得已而用兵之苦心。
軍機大臣日在朕左右承旨。皆所深知。且屢經宣

諭再三。諒亦人所共曉。此時若再姑息了事。何以服衆士司之意。且何以慰死事者之心。卽謂溫福毫無調度。自喪其軀。不足深惜。而馬全等及將佐官員。與三千餘兵之委命疆場。倘不爲之報仇雪恨。於心實有所不忍。雖欲中止。其可得乎。朕自臨御以來。宵旰勤勞。無日不以愛民爲念。每遇災歉。不惜數百萬金錢粟米。賑濟窮黎。卽偶有用兵之

事絲毫不累間閭。並且多方蠲緩。而於綜理讞牘。雖匹夫匹婦之獄。亦必折衷至當。不使稍有含冤。如此次溫福軍營潰逃兵衆。卽立寘典刑。亦不爲枉。因其多至數千。若悉予駢誅。實覺不忍。特從寬概免其死。遣配以示矜全。而自西師大功告成以來。朕亦不敢意存自滿。惟益兢兢業業。凜持盈保泰之心。返躬自問。實可以俯對天下臣民。仰邀

上蒼昭鑒者。至於兩逆酋以內地土司敢於背恩反噬。抗我顏行。罪惡貫盈。實爲

覆載所不容。神人所共憤。其滅亡自可立待。特派八旗及各省勁兵數萬。並簡曾經立功之大臣等帶赴川省軍營。與阿桂等另籌進剿。使我軍壁壘一新。所向克捷。掃穴擒渠。以快人心。而申國法。著將此事原委。及朕不欲用兵之本懷。與此時不能已於

征討之深意。通諭中外知之。

同日。彰寶李湖奏言。竊臣等自上年選派滇兵

三千。赴川以後。誠恐川省或再需兵。不可無備。

當於提督等標。及省北各營內。挑選精壯兵丁

二千。專心訓練。將軍械火藥等項。逐一修備。以

待調撥。今奉

諭旨。令於昭通所屬。及曲靖廣羅等處。挑選勇健兵

二千名。遴委領兵將弁。備帶應用火藥軍械等項。於入川要路聽候調用。臣等卽將上年選定之兵。分爲四起。以次繼進。一俟接到軍營調兵之文。卽由入川要路。速抵軍營聽用。不使片刻耽延。奏入報。

聞。

同日。劉秉恬富勒渾奏言。

臣

劉秉恬因叅贊海

蘭察退駐日隆。卽知會臣富勒渾同赴軍營。詢

問海蘭察退兵情形。據稱因鄂克什土司色達

克拉告稱明郭宗以內各處山梁應防要路甚
多。難於分守。是以退保日隆。齊集兵衆。另圖進

取等語。臣等查大兵退守日隆。離南路已隔六

七站。勢不能仍由美諾前往。自應遣兵由雅州
打箭爐一帶策應。且打箭爐至僧格宗一帶處

處與賊境相通。更應多兵聯絡聲勢。是以臣劉

秉恬先已奏請將續調黔兵一千名撥赴打箭

爐一帶。接應阿桂後路。茲查總兵英泰原係南

路領兵之員。熟習章谷一帶道路情形。現今其

赴打箭爐。俟黔兵到時。督率前往。酌量策應。臣

富勒渾前因美諾需兵甚急。曾奏明將川省舊

兵酌撥四百名。赴美諾遣用。今已到一百名。現

派守巴朗拉。其未到之三百名。俟到時亦併交

與英泰帶赴章谷。以壯兵威。再據總理北路糧

餉永寧道梁翥鴻稟稱。小金川賊番在沙木角

拉。設卡瞭望。應請援兵防守。並據瓦寺土司桑

朗因春稟稱。山神溝草坡等處。俱與小金川二

雜谷相通。亦請添兵防守。各等情。除三雜谷一

帶先經臣富勒渾札飭松潘鎮五福撥兵防範。

其自山神溝至草坡一帶。臣等又已將續調之

兵與續募新兵分設各隘。協同瓦寺土兵加意

巡防。臣劉秉恬卽往返巴朗拉一帶稽查隘口。

督催糧米軍火各項。臣富勒渾卽赴臥龍關至

桃關一帶辦理過兵各事宜。至日隆軍營所需

軍火軍裝各項。臣等已飭令趕緊造送。隨有隨

解。均可不致缺悞。奏入。

上諭軍機大臣曰。富勒渾等奏。現將續調黔兵策應。

將軍阿桂後路所辦甚好。前經諭令富勒渾博清額等帶兵由南路接應阿桂。並令富德趕赴打箭爐一帶。不拘何項兵丁。卽帶領前進接應阿桂。俾得夾擊殺賊。自當以次迅往。但英泰先已派令帶兵策應。較之富勒渾等及富德到彼自更迅速。如英泰此次果能奮勇出力。開通阿桂軍營後路。卽

屬英泰之功。朕必加以優賞。英泰務須努力爲之。至劉秉恬從前貽悞之罪。實難曲爲寬貸。現又明降諭旨。將伊革職。但伊現在巴朗拉一帶辦事。若卽去其頂帶。恐一切呼應不靈。著仍遵前旨。暫留翎頂。令其奮勉自効。又富勒渾現令赴南路帶兵續進。爲阿桂聲援。而巴朗拉一帶。亦有劉秉恬往來照料。文綬可卽回至成都。該省現有照料過兵。

及籌辦糧運等一切緊要之務。又綬到省城後務
卽實心綜理。俾諸事妥協無悞。至溫福軍營陣亡
被害將士官員。業經降旨議卹。其明正巴旺。布拉
克底。土目。兵練等。有實係陣亡者。並著富勒渾。海
蘭察等查明奏聞。交部照例議卹。

癸卯。覺羅巴延三奏言。臣准畢沅咨稱。陝省舊

存火藥。俱已解運。現在委員赴晉購辦。淨硝硫

礬等因。臣查晉省硫礬足敷採買。惟每年所產

硝斤除供本省及陝西延綏鎮各營採辦外。所

剩餘無幾。此時卽上緊購辦。亦恐緩不濟事。伏思

軍營分路進剿。火藥最關緊要。必須尅期辦解。

地方足以資急需。隨查晉省各鎮標營均有備操。

火藥。不如先行奏撥十五萬斤解陝接濟。隨後

陸續製補供操。似此一轉移間。備貯旣無虞於

缺乏而解運實更爲迅速奏入。

上嘉之。

同日豐昇額舒常奏言。據駐卓克采副將李天佑稟稱。訪得三雜谷土司。曾自稱伊實心出力。但不能如木坪瓦寺。賞給翎子等語。臣等飭諭

該副將三雜谷土司。果有此言。卽當明白曉諭。以木坪瓦寺。明正等土司。除派出土兵隨征之。

外。或本身在營効力。或子弟帶兵奮勇。著有勞績。是以得邀

渥典。今三雜谷雖亦派兵隨營攻剿。而該土司並未來營營中。並無該土司子弟。若爾三雜谷果能實心出力。立有功績。或該土司子弟等。俱能打仗勇往奪碉殺賊。卽當奏聞

大皇帝。與內地官兵一體加恩。况爾地與金川接壤。

爾等若撥屬下頭人百姓自行潛往奪據碉寨

一經將軍大人奏聞

大皇帝。必有爾等意想不到的恩。豈止賞戴花翎。而

已如此剴切曉諭。不但伊等心服。更可誘其恭

順助剿之心。

臣

等見李天佑不能隨機駕馭。目

下正當緊要之際。恐該將未足倚恃。查五福於此等事件。尚悉機宜。現飭該將遇有緊急事件。

卽就近會商五福辦理。

同日豐昇額舒常又奏言。據總兵官達色報稱。行至梭磨地方。該土婦卓爾瑪遠出跪迎。復來

稟見。密稟云。金川賊衆將溫將軍後路及各糧

臺。俱行搶佔。并奪取美諾等處。綽斯甲布大營

兵力如何。我實難以放心。求將此情速稟將軍

官達色隨諭卓爾瑪云。我聽爾言。知爾實心効

順。現在將軍營內官兵甚多。是以給我二千。赴丹壩駐扎。至工噶諾爾布。尙爲奮勉出力。爾等可以放心等語。查卓爾瑪於三雜谷土司內本爲恭順。臣等已發札獎諭該土婦。並酌賞緞匹。令其從此更加出力。均奏入。

上諭軍機大臣曰。屢次傳諭豐昇額等帶兵接應阿桂。最爲緊要。計豐昇額等奉到遵旨起程。應卽馳

赴打箭爐一帶。並遵昨旨。與福康安分爲前後兩
起進兵。接應阿桂。愈速愈佳。至其摺內訪得三雜
谷土司。希冀賞帶花翎。隨令李天佑申飭諭示所
辦亦是。豐昇額此次撤兵。若經由三雜谷。卽應酌
量駕馭該土司。帶令隨營行走。以好言撫慰。勵其
効順之心。自爲最妥。至梭磨土婦。在三雜谷中行
輩最尊。從噶克多聽其指揮。該土婦自不爲小金

川流言所惑。據官達色報稱。該土婦見伊時。密告
金川賊衆逆謀。其心甚覺真切。自應予以獎勵。著
卽曉諭該土婦。以爾實心恭順。節次奏聞大皇帝。
深爲嘉悅。特加恩賞爾淑順名號。并綵緞四匹。用
示優獎。如此傳諭。不特該土婦益當感恩圖報。卽
其餘土司等。亦必共知激勸。冀得出力沾恩。亦屬
控馭番夷之一法。

同日。

上諭軍機大臣曰。長青奏請派察哈爾兵五百名親身帶往軍營効力。著照所請。挑派五百名前往聽用。

甲辰。陝甘總督勒爾謹奏言查陝甘川省地界相連。臣恐軍營尙須添兵接濟。已分咨陝甘提

臣各選精壯兵一千名。以備調用。前奉

上諭。令派兵二千名馳赴川境。臣遵卽飛移護巡撫

畢沅。署西安提督趙興宗。速將陝西預備之兵。

就近選派將弁帶領前進。臣會同署甘州提督

法靈阿。將甘兵一千。卽日分起起程。並令將備

千把等員帶兵前往。其沿途地方官亦俱飛飭

妥爲預備。奏入。

上諭軍機大臣曰。昨朕先令富德起身。速赴成都。無

論何處兵到。卽帶領由打箭爐章谷一路往迎阿
桂。復令色布騰巴爾珠爾亦卽照此前往接應。計
富德未到之前。所調貴州兵丁已陸續赴川。富德
到時。著卽遵旨帶領往迎阿桂。至陝甘距四川甚
近。所有勒爾謹派往之二千兵。色布騰巴爾珠爾
至成都時。亦必到齊。卽將此項兵丁帶領速行進
發。並著伊等將先後到成都日期及帶何項兵丁。

於何時起程前往之處。迅卽奏聞。

...

...

...

...

...

...

外何執步野前丑之靈辰唱奏關

平定兩金川方畧卷之六十七

七月乙巳。陳輝祖奏言。

臣接奉

諭旨。令撥兵赴川聽候調用。臣隨於通省各標協營

內。挑派二千名。令叅將劉廷棟。植璋。遊擊傅宗

孔。巴達瑪圖等。分起帶兵。又派副將李文英為

統領。其應用軍械。俱令挑選堅利。輕便。過行。庶

沿途不致稽滯。至各兵禦寒衣帽。臣已於漢陽

等處。尅期購製。委員彙解。毋庸各兵自製耽延。

臣與提臣李國柱。已抵荆宜一帶總路。一面飛

飭各將領。限定日期。前抵宜昌。點驗遄行。

同日。梁國治奏言。查湖南赴川官兵。均已在道。

臣率同按察使農起。岳常澧道梁敦書。親往督

催。連日風水順利。兵船雲集。臣於澧州水次。逐

起點驗。俱屬人才壯健。自初三四至初五六等

日。四起官兵。全行出境。均奏入。

上諭軍機大臣曰。梁國治奏湖南派調赴川官兵全數出境。同日又據陳輝祖奏湖北添派兵二千。現已迅速料理等語。軍營需兵接濟。愈速愈佳。官兵等俱受平時綦養之恩。理應及時奮勉自効。著陳輝祖等。檄知帶兵將領。傳諭兵丁。令各激發天良。踴躍進行。以資援剿。

之六十四卷之六十二

同日。梁國治又奏言。現在派兵赴川。並修理軍

裝旗幟帳房。以及配造火藥。費用數倍常年。該

營將弁踴躍急公。雖各尅期無悞。而屢勉墊辦

情形。不無拮据。查司庫現存賞辦兵差銀十萬

七千餘兩。可否於此項銀兩內。照一年應扣名

糧之數。借給通省各營。仍分作三年扣還歸欵。

一轉移間。實於通省營伍有裨。奏入。初五六等

上諭內閣曰。梁國治所辦甚是。兵丁調赴川省一切
修理軍裝器械。均須墊辦。情形不免拮据。自應酌
劑以示體恤。其湖北陝甘雲貴四川等省。俱有添
派之兵。如有所存公糧不敷支用者。亦照湖南酌
量妥辦。著各督撫等實力查辦具奏。該部卽遵諭
行。

丙午。勒爾謹畢沅趙興宗奏言。前奉

諭旨。令挑派陝兵一千名起程赴川。臣等卽挑驗精

壯兵丁並派遊擊寧古奇都司七十四甘露率

領前進。於七月初八初十十一等日分起起程。

其沿途應行供支事宜。臣畢沅飛飭地方迅速

料理以速軍行奏入。

上嘉之。

畢沅又奏言軍營火藥最關緊要而川陝

壤境毗連一有咨調尙可尅期解運。現在西安局儲火藥。陸續調撥。餘剩無多。臣現派佐雜前往豫晉二省。購買磺斤。運回西安。上緊配造二十萬斤。如川省再需續調。卽可如數運送。奏入。上是之。

同日。劉秉恬奏言。查默資溝。卽在吉地。丹東一帶。係革布什咱地方。業經副將軍阿桂派有官

兵駐守。但其地出產磺斤。尤應嚴加防範。臣隨

派委叅將姬鵬舉守備常永。馳赴該處。並嚴飭

其留心查察。毋致絲毫偷漏。再臣前經盤獲私

帶鉛子番民那木喀等三名。查該番等居心狡

獍。偷竊鉛丸。顯有私相轉售之弊。自當立正典

刑。以昭炯戒。業將番民那木喀旺勒丹阿紉正

法。奏入報。

聞

同日富勒渾文綬奏言。臣富勒渾明切曉諭附

近土司各頭人番衆。以金川煽誘降番肆逆。其

罪均在必誅。現已加派官兵前來合剿。爾等亦

須多撥番衆。將巴朗拉山神溝等處。佔據要險

以俟大兵齊集。一舉成功。該頭人等環聽領諾

臣卽酌量加賞。令其各歸汛地。協同官兵嚴加

防守。臣等於初一日准豐昇額稱已派襄陽鎮

官達色帶兵一千五百餘名。前往梭磨。大板昭

等處防禦。又准撫臣鄂寶稱另派兵二百名。赴

卓克采護守糧臺。是丹壩一路。防範已屬嚴密。

又同日准阿桂札知勦辦小金川情形。現在南

路軍威尚振。惟是西路之兵。退守日隆。距美諾

已遠。賊番勢必合攻南路。臣等復催川省續調

兵三百名。兼程馳赴南路。以資遣用。竝就近先

撥各州縣壯兵。飛赴章谷一帶。護守糧臺務使

每日有兵行走。以壯軍威。再查當噶爾拉後路。

如章谷約咱僧格宗等處。處處與賊境相通。現

經阿桂添兵駐守。但地廣兵單。恐不敷用。俟黔

楚兵到。卽令前赴南路。聽候阿桂調遣。至此次

軍行。更宜迅速。沿途夫馬等項。均須早爲預備。

聞。

而京兵需用馬匹甚繁。尤須及時備辦。現在上
緊籌議。以資應用。奏入。報。

同日

上諭軍機大臣曰。連日盼望阿桂軍營之信甚切。自

七月初六日接到阿桂六月二十四日所拜之摺。

距今又已八日。尙未見有續奏。甚爲懸注。不知章

谷至當噶爾拉一帶軍臺富勒渾曾否接續安妥。

文報往來有無阻滯。富勒渾卽速據實具奏。至富勒渾等所奏南路應速添兵以資聲援。現又飛調川兵三百。並催黔楚各兵迅速來川。兼程馳赴南路等語。所辦甚是。但現將添調各處之兵。催令赴川。究屬鞭長不及。今富勒渾在本地調兵。自能應急。但爲數甚少。且係綠旗。未必適用。前據錢鋆奏

成都駐防兵五百名。願赴軍營。已經料理起程。此項兵丁。自可早到。卽應帶領前往。較之綠營更當得力。至所稱就近先撥州縣壯兵。飛赴章谷一帶。護守糧臺。尤爲緊要。應卽妥協辦理。又富勒渾等奏稱。京兵需用馬匹甚繁。尤須上緊籌辦等語。京兵經由陝省。其馱載馬匹。已據畢沅奏雇備健騾四千。自寶鷄縣起。按站接替。直送成都。籌辦甚屬

可嘉。其兵丁乘騎馬匹。昨據勒爾謹奏調甘省各
鎮營壯健馬二千。解赴陝省。協濟棧道。分撥送兵
之用。所辦亦好。是陝西一路。已俱料理妥協。卽由
入川首站至省。所用馱載。並經陝省雇有騾頭。毋
庸另辦。惟兵丁乘騎之馬。該督等現在籌議。自必
妥協。但每起爲數較多。恐馬匹不敷支撥。其跟役
等不妨照例折價。可省多購馬匹之勞。至兵丁自

成都赴軍營。路徑陡仄者多。卽給以馬匹。亦不得力。且沿途供支料草。又需饋運之勞。莫若按例折給馬價。聽各兵等自便。較爲妥協。現在富勒渾往迎阿桂。已諭文綬在成都籌辦諸務。計文綬接奉前旨。卽迅赴省城。此事卽交伊實力妥辦。再現在京兵已於七月初七日起程。餘俱以次繼發。而各省所調之兵。亦催令速赴軍營。官軍源源而進。

計日加增。除現諭富德等。如遇各處先到之兵。卽帶往應援阿桂外。其餘各處續到之兵甚多。若俱全赴章谷一路。未免擁擠。卽阿桂將來另籌進剿。仍須由兩路分進。莫若卽於兵丁到成都時。預爲撥定。如京兵二千。兩路各撥一千。餘俱倣照分派。其南路在打箭爐一帶。西路在維州一帶。酌量暫駐。俟進兵時。按路調往。更爲便捷。此事亦著文綬

妥協經理。

其戊申。阿桂明亮奏言。查色木則之旁有古嚕一處。令叅將富金保帶兵分駐。賊番屢次侵擾。皆被官兵擊退。但緣取水路遙。因飭其夜間撤出。賊番乘勢來截。又經官兵上下合擊。殺賊十餘名。其往攻色木則之官兵。因賊番所據碉座。地勢較高。雖節次攻撲。屢有殺獲。而究係仰攻。不

能得力。惟有晝夜嚴防。使賊不能截斷。僧格宗
往來之路。再赤爾丹色木。墨壘溝。卡了翁古爾
壘等處。皆與金川接壤。雖此一帶叛番。均經殲
戮。其最關緊要之隘口。亦經撥兵防守。而其間
道路叢雜。前後左右。在在皆可偷越。臣等再四
思維。此時最要事機。莫急於撤出兵丁。先防後
路。不獨現在官兵。均可安全無恙。而嚴守各隘。

尚可待續到之兵。爲合力進攻之舉。其後路
中有從前已經駐兵者。加兵助守。其從前未經
駐兵者。酌量安設。自可無憂疎失。且如章谷。吉
地等處。亦卽爲綽斯甲布之後路。若於此一帶
周防嚴密。臣等與豐昇額信息相通。彼此籌辦
於事機尙爲有益。而險隘可憑之地。仍係我兵
據住。俟有續到官兵。再行先收美諾。亦不難於

籌辦。臣等公同酌議。意見相同。因於二十五日
陸續撤兵。分撥於思紐得里。翁古爾壟阿仰及
卡了。邦科約。咱索布章谷等處。嚴加防守。臣等
帶滇兵一千六百名。亦於本月初一日親自斷
後。徐徐撤出。現在翁古爾壟思紐扼要地方。暫
行存駐。悉心籌辦。以爲統兵再進之計。奏入。

上諭軍機大臣曰。連日盼望阿桂軍營信息。甚爲懸

切。因屢諭富勒渾及富德等速往帶兵接應。今阿
桂自當噶爾拉軍營。將兵陸續撤出。在翁古爾壟
等處暫住。朕心稍慰。阿桂等業已全師而出。而翁
古爾壟至章谷一帶均經嚴加防守。自可無虞。逆
酋以內地土司敢於如此鴟張。尤屬神人共憤。實
爲

天理所不容。惡貫滿盈。滅亡必速。今已添派京兵二千

吉林兵二千。黑龍江兵一千。頃據海蘭察奏。又添

派索倫兵一千。合之西安荊州駐防兵各一千。伊

犁額魯特兵一千。是八旗勁旅有九千。並選能帶

兵之侍衛章京亦數十員。又續派之雲貴陝甘湖

廣等綠營兵。催令赴川者。共萬餘名。計其陸續到

軍營。通計二萬數百名。阿桂卽當酌定章程。另籌

進剿。一面妥辦。一面奏聞。至豐昇額等一路。昨令

馳赴阿桂軍營策應。今阿桂旣已回駐翁古爾壘
等處。無庸豐昇額接濟。軍營機宜。移步換形。不可
稍涉拘泥。亦非朕所能懸斷。著傳諭豐昇額。如未
起程。卽留駐宜喜軍營。以備再進。或已行至中途。
亦不妨帶兵仍回宜喜。並可隨處諭知各土司。以
將軍現已整師而出。滿洲勁旅。及各路精兵十萬。
亦俱陸續調派。卽日復籌進剿。以此鎮撫衆番方

爲妥協。豐昇額等卽酌量該處情形。一切與阿桂
札商而行。劉秉恬仍令在巴朗拉一帶辦事。文綬
卽馳赴成都。辦理兵行事宜。并籌辦潰兵以及地
方要務。其桃關一帶。卽令富勒渾前駐。往來照料
無庸再赴阿桂軍營。

同日。阿桂明亮又奏言。竊臣等因賊番蔓延四
出。前敵旣不能驟撤。後路更屬可虞。正在籌辦

間據前敵屯土各弁稟稱。金川賊番屢來懇求稟。請_臣等思賊番現既如此猖獗。何以復來求稟。雖當噶爾拉一路漢土各兵。從不令與賊通。言語但以目下事勢而論。轉可藉以窺測賊情。

當飭將備等嚴加詰問。據賊稟稱。我金川係

萬歲爺家舊土司。如今官兵百姓們。我金川一點不敢侵犯等語。查賊自侵擾木果木等處以來。所

得鎗礮鉛藥糧石銀兩器械等物。爲數甚多。業

經志得意滿。而又以當噶爾拉官兵。向爲勁銳

近口。兩次撲營。及各處打仗。俱經痛加殲戮。看

來未易動搖。轉恐添兵攻勦。故爲此狡詐之謀。

實堪切齒。且妄冀大兵從此歇手。可以幸逃天

誅。坐獲小金川之地。其奸惡尤爲可恨。但此時

各路軍營。旣不能合力勦洗。而當噶爾拉後路

險仄綿長。如翁古爾壟。策爾丹色木等處。一綫懸崖鳥道。只須數十人據截。雖有多兵。不能衝過。卽如木果木一路官兵二萬有餘。德爾森保一經失事。卽不足恃。皆因後路一斷。漢土官兵慌張潰亂所致。今賊番不於此等要隘坐困官兵。而轉來稟話。是在賊番已爲失計。而在我兵撤居險要。現在則易防後路。將來仍便於近攻。

於事轉有把握。臣等公同商酌。莫若將計就計。權爲撤出。新兵一至。卽可統率再進。爲雪憤掃巢之策。惟是今昔情形迥異。且此事關係甚大。皇上自必另

簡大臣來川。容臣阿桂等公同籌辦。以定剿滅兩金川之局。奏入。

上諭軍機大臣曰。阿桂此次辦理。事事妥協。甚屬可

嘉。已授爲定邊將軍。統辦進剿之事。實堪倚任。此外大臣等亦罕有能出其右者。阿桂卽當實力擔承此事。不必稍存疑惑。惟進剿之路不可不通盤籌畫。預爲妥定。看來昔嶺當噶爾拉。及宜喜等三路。皆係仰攻。未必有益。將來再進時。此等只可爲牽綴賊勢之用。必須另籌妥地。以期克捷制勝。因閱地圖內。金川之噶拉依。勒烏圍兩處險隘。皆在

河南賊番悉力拒守。攻之非易。若於河北覓可進
兵之路。一在革布什咱之境。由西而東。一在綽斯
甲布或丹壩之境。由東而西。攻其不備。自可易於
得手。若能得其河北之地。則河南賊勢自必動搖。
并力夾擊。便可掃穴擒渠。尅期奏績。阿桂應卽悉
心籌度。密詢孰習道路之人。就該處山川形勢。詳
細酌量。是否可行。卽速繪圖貼說。據實覆奏。候朕

定奪。

同日富勒渾文綬奏言臣等欽奉

諭旨。此次挑派京兵二千名。吉林黑龍江兵二千名。分起前赴軍營。需用夫役較多。均需妥協經理。

令臣文綬回至成都預爲籌畫。臣等悉心酌核。

查乾隆十二三年川省應付京兵舊例。除自廣元入境。以至成都。沿途所用夫馬。照官兵勘合

填載數目。分別應付外。其出口長馬。大小官員。各按品級。自五六匹至一二匹不等。長夫自二十餘名至六名不等。每兵一名。給馬一匹。夫三名。其官員兵丁之跟役。每名約折給馬價銀六兩。較之西例。每兵給馬三匹。原屬因地異宜。三十六年。將軍溫福自滇帶來滿兵。赴西路軍營。令領隊官員。各給騎馬一匹。其兵丁及跟役。每

名均折馬價銀六兩。不給騎馬。仍照例給夫背
送軍裝行李。經軍需局遵照辦理。在案。今川省
馬匹購辦維艱。布政使錢鋆等酌議飛飭各地
方官雇備民馬。分派口內各站。所需夫工草料。
卽以抵站之日。分別支給。其在口內各站官員
兵丁及官員之跟役。各給騎馬一匹。兵丁跟役
步行。不給馬匹。至出口長馬。官員各給馬一匹。

其隨帶跟役及兵丁與兵丁之跟役應得騎馬

俱照例每匹折價銀六兩。辦理不致拮据。似尚

妥協。至所用人工。除廣元至成都。又自成都西

路至灌縣。南路至雅州。均就地雇用。并令附近

州縣幫雇協濟。其雅州灌縣以外各站人工不

敷應用者。亦分別酌添。此內西路灌縣至桃關

四站計程一百三十里。山路崎嶇。軍需局議詳

於中間之映秀灣撥馬添夫另立正站專員經理現飭妥速趕辦臣等隨時悉心斟酌安頓周備務使軍行利捷民無擾累以副

聖懷奏入。

上勅軍機大臣核議隨經軍機處議奏查京兵入川沿途應付騎馱前據畢沅奏明毋庸另行辦理該督等祇應飭令站員將陝省所備長騾小心

照料毋任兵役等馳驟傷損其自成都赴西南
兩路分站現經該督議以口內給與騎馬口外
官員各給馬一匹其兵丁跟役折給馬價自屬
照例酌辦與

諭旨相符其雅州灌縣以外酌添人夫及映秀灣另
立正站之處亦屬妥協均應如所請行惟所稱
在口內各站兵丁跟役步行不給馬匹一節查

從前由黔赴滇京兵其跟役每站折給馬價二錢。此次自廣元至成都程站較近。應照滇省之例。酌量節減。每站折給馬價一錢。其餘均照例辦理。飭屬一體迅速妥備奏入。

上從之。

同日。

上諭軍機大臣曰。海蘭察奏請將黑龍江八旗兵內

挑選一二千人派往。著照所請。傳諭將軍傅玉璽
挑一千名。派往聽用。

上又諭軍機大臣曰。現在添派索倫兵一千名。前往
軍營。所有經過之直隸河南陝西四川等省。著傳
諭周元理何燭畢沅文綬等。各飭所屬。將車輛馬
匹等項。妥辦應付。務俾迅速。遄行。

已酉

上諭內閣曰。昨據阿桂奏。當噶爾拉後路。翁古爾壟。至章谷。吉地等處。關係緊要。均應嚴密防範。因於六月二十五至七月初一等日。將各營盤官兵次

第徐徐撤退。親自斷後。振旅而出。現駐翁古爾壟等語。辦理深合機宜。朕心實爲欣慰。已將奏到各摺。宣示中外矣。阿桂自聞木果木軍營之信。能鎮靜嚴防。鼓勵將士。當賊番屢次侵擾。俱經官兵勦

殺今全師撤駐翁古爾壟。不獨南路一帶可以無虞。並可與宜喜軍營聲息相通。以待新調八旗勁旅。及各省精兵陸續到營。收復美諾等處。另籌進剿金川。甚屬可嘉。所有隨阿桂自當噶爾拉撤出之兵。未嘗非綠旗士卒。乃能與賊相持二十餘日。悉力拒擊。整隊撤回。較之溫福營中綠旗兵。同受國家豢養。一則有勇知方。一則迥非人類。可見綠

旗兵心雖怯懦。非盡無良。果能調度得宜。未始不可以勵敵。憶著阿桂傳旨。將在事之綠營屯土兵。練各賞給一月鹽菜銀兩。以示獎勵。其中或有身雖在營。而委靡不出力者。亦當查明扣除。毋令濫邀恩賞。至溫福軍營兵數。不下二萬。何至一聞賊至。紛紛潰散。實出意料之外。將帥之於三軍。倚爲捍衛。若猝然遇變。竟棄將軍於不顧。相率潰竄。以

致主帥失衆捐軀。按律應悉駢誅。罪在不赦。今特
汰其甚者。從寬免死。量予遣戍。實屬法外之仁。然
朕究不免失之姑息。而此輩實爲倖免。遣發省分
之各該督撫。俱應共深憤疾。有犯法者。立正典刑。
庶以彰國法而申軍紀。至現在西路隨征之綠營
兵衆。並當聞而知恥。引以爲戒。痛加改勉。以冀立
功膺賞。設仍狃於怯懦之惡習。怙終不悛。將來臨

敵。或有輕退易動之事。必當盡行誅戮。卽人數畧多。亦斷不惑於罰不及衆之說。曲爲寬宥也。朕於軍律賞罰嚴明。惟秉大公以期平允。將此通諭軍營。及中外知之。

上又諭軍機大臣曰。阿桂自當噶爾拉全師而出。此時大局已定。一俟兵力畧振。卽可收復小金川。剿捕逆酋。殲戮賊衆。並另籌分路進剿金川。此皆阿

桂應行次第籌辦。至溫福軍營失事時。衆幾二萬。兵數不爲不多。雖云疎於預防。亦何至潰敗若此。卽綠旗懦卒。畏賊驚奔。而將領各統所部。豈盡漫無紀律。聽其相率竄逃。致溫福獨領百人。衝出歿於戰陣。其事爲向來所無。其理亦太不可解。特因事屬旣往。竟置不問。著阿桂將溫福軍營因何僨事確情。查明秉公據實具奏。再從前所獲番衆。供

詞。俱稱僧格桑移居科思果木地方。僅攜其妾及
頭目數人。莎羅奔索諾木。皆不與款洽。并令其自
行謀食。相隨賊衆。盡皆散去。果爾。則是僧格桑甚
爲失勢。幾於自顧不暇。何以能與金川逆酋通謀
率衆。復行猖獗若此。其故又不可曉。或係所獲番
衆。捏詞欺飾。抑其中另有情由。並著阿桂訪明具
奏。至豐昇額等在宜喜軍營。原屬三路並勦。及聞

僧格桑復佔小金川。改地。溫福軍營失事。美諾明

郭宗等處亦皆失守。不可不急援阿桂。是以屢諭

其急速撤兵。今阿桂既退。據得地。軍氣復伸。且

谷等處皆撥兵嚴防。與豐昇額後路聲息相通。而

各土司中如從噶克輩。聞知阿桂既出。與豐昇額

遙爲犄角。亦斷不敢復萌動搖之念。並可因以鎮

撫綽斯甲布衆心。又況其地軍糧充裕。礮火堅完。

再進之圖。不煩另起爐竈。豐昇額等必當仍駐宜
喜軍營爲是。著再諭豐昇額等。善體朕旨。妥協行
之。再此項續調各省綠旗兵。共有九千。現皆節次
起程。統計不過八月初中二旬。俱可陸續全抵軍
營。按西南兩路分撥。每路可得生力軍四千有餘。
阿桂審酌情形。於各省新調兵到後。約可敷用。卽
宜分西南兩路。先勦小金川。其南路自係阿桂統

兵。色布騰巴爾珠爾爲叅贊。西路雖有海蘭察在。

彼殊不足恃。若豐昇額已至巴朗拉。卽著豐昇額

帶兵進剿。或豐昇額仍駐宜喜。則俟富德到阿桂

軍營後。與之面爲講論。卽令富德由成都取道至

日隆。統兵進剿。如此兩路夾擊。賊衆自難兼顧。我

兵卽收復小金川全境。盡殲叛逆。降番廓清其地。

並於美臥溝大板昭等要隘。各派重兵屯駐。令王

進泰。常青分鎮要處。另籌進剿金川。則我武旣揚。聲勢甚盛。自可迅速掃蕩賊巢。尅期奏績。此事乃全局轉關之機。甚有關係。是否應如此辦理。著阿桂悉心妥籌。將作何酌辦。機宜詳晰覆奏。

上又諭軍機大臣曰。現在添派京兵。及吉林。索倫。額魯特。並荆。陝。成都駐防兵九千五百名。又續調雲貴。湖廣。陝甘綠營兵一萬一千。通計共二萬有餘。

兵數較今春更多。軍糧等項。不可不預爲籌核。至節年所調成都駐防。及各省兵丁。已三萬九千。合之本省川兵。暨屯士兵練。總共七萬有餘。月支糧餉。更爲不少。今已兩項合計。每月實需鹽菜口糧等項。約若干萬兩。著富勒渾文綬詳核細數。並以續撥之軍營銀一千萬兩。按數核算。足敷幾月之用。可以供至明歲何時。或尚需續撥借用。卽當據

實奏聞。以便再行勅部撥往。至原有之七萬餘兵。除溫福軍營未出者三千餘。及潰而遣戍者二千餘不計外。其餘節次打仗陣亡。及傷廢遣回並在營脫逃者。各有若干。均應一一開除。將各路現今實存數目。分晰開單呈閱備核。至溫福軍營。此次損折之兵。實有若干。亦當覈其細數。或兵丁於潰散之後。復行脫逃。其罪更不可追。尤應查明奏聞。

令各督撫一體實力緝拿。就所獲之處。卽行正法。以示炯戒。再溫福軍營兵潰債事後。失去糧米若干石。鎗礮軍械若干件。火藥鉛丸若干斤。備用銀若干兩。亦不可不逐項核明實數。一併開明具奏。至現在添運糧石。作何籌辦需用火藥。作何趕製。務使源源接濟。勿致稍有遲悞之處。並著據實速行覆奏。